

praksu, Ministarstvo će izdati saglasnost da se na toj lokaciji može osnovati apoteka.

Budući osnivač apoteke, odnosno budući nosilac odobrenja za privatnu praksu, kojem je izdana prethodna saglasnost na lokaciju dužan je podnijeti zahtjev za osnivanje apoteke, s potpunom dokumentacijom u skladu s Pravilnikom, najkasnije 30 dana od dana dobivanja saglasnosti.

Ako u roku utvrđenom u stavu 2. ovog člana budući osnivač apoteke ne podnese Ministarstvu zahtjev, s potpunom dokumentacijom, za osnivanje apoteke u skladu s Pravilnikom, saglasnost će se poništiti i izdati drugom podnosiocu zahtjeva koji zadovoljava kriterije utvrđene ovom Odlukom.

Budućem nosiocu odobrenja za privatnu praksu, odnosno budućem osnivaču apoteke za lokaciju utvrđenu u članu 2. ove Odluke, može se izdati samo jedna prethodna saglasnost.

#### Član 4.

Ako za istu lokaciju bude više zaprimljenih zahtjeva budućih nosilaca odobrenja za privatnu praksu, odnosno budućih osnivača apoteke koji zadovoljavaju sve kriterije, Ministarstvo će odlučivati prema redoslijedu kojim su podneseni zahtjevi.

#### Član 5.

Ova Odluka stupa na snagu danom donošenja i objavit će se u „Službenim novinama Srednjobosanskog kantona“.

Broj: 08-33-1/24  
3. januara 2024.

MINISTAR

Travnik

Anto Matić, s. r.

120

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 35/05), a u vezi s članom 3. Odluke o načinu osnivanja i visini nadoknade za rad stručnih komisija i drugih radnih tijela i komisija u upravnome postupku koje osniva Vlada Srednjobosanskog kantona i rukovodioci kantonalnih tijela državne službe („Službene novine Srednjobosanskog kantona“, broj: 3/05 i 12/05), ministar zdravstva i socijalne politike donosi

### RJEŠENJE O OSNIVANJU STRUČNE KOMISIJE

#### I.

Osniva se Stručna komisija u sastavu:

- IGOR SAJEVIĆ, dipl. iur., predstavnik Ministarstva zdravstva i socijalne politike
- MAJA MATIŠIĆ, dr. med.
- VAHIDA SMREKA, dr. med.

#### II.

Stručna komisija iz tačke I. ovog Rješenja obavezna je u

roku od 30 dana obaviti uviđaj na licu mjesta i konstatovati zadovoljenost uslova, s obzirom na prostor i opremu, za osnivanje privatne ordinacije opće stomatologije – promjenu poslovnog sjedišta u Vitezu, u Ulici Hrvatskih branitelja broj b. b., kod podnosioca zahtjeva Adane Fetahović, dr. med.

#### II.

Stručna komisija iz tačke I. ovog Rješenja ostvaruje pravo na novčanu naknadu u skladu s članom 8. Odluke o načinu osnivanja i visini nadoknade za rad stručnih komisija i drugih radnih tijela i komisija u upravnome postupku koje osniva Vlada Srednjobosanskog kantona i rukovodioci kantonalnih tijela državne službe, te zaključku ministra zdravstva i socijalne politike.

#### IV.

Ovo Rješenje stupa na snagu danom donošenja i objavit će se u „Službenim novinama Srednjobosanskog kantona“.

Broj: 08-33-12505/23-1  
12. decembra 2023.

MINISTAR

Travnik

Anto Matić, s. r.

### KANTONALNA UPRAVA ZA BRANIOCE

121

Na osnovu člana 61., a u vezi s članovima 9. i 33. Zakona o dopunskim pravima branilaca („Službene novine Srednjobosanskog kantona“, broj 7/16 – prečišćeni tekst), i Zakona o izvršavanju Budžeta Srednjobosanskog kantona za 2024. godinu („Službene novine Srednjobosanskog kantona“, broj 1/24), direktor Kantonalne uprave za braniocce, uz saglasnost Vlade Srednjobosanskog kantona, donosi

### PRAVILNIK O OSTVARIVANJU PRAVA NA STIPENDIJU

#### Član 1.

##### (Predmet)

Ovim Pravilnikom utvrđuju se uslovi i postupak dodjele stipendija djeci branilaca koja imaju status redovnih studenata i koja imaju prebivalište na području Srednjobosanskog kantona (u daljnjem tekstu: Kanton), kao i djeci branilaca čiji članovi porodice ostvaruju prava iz branilačko invalidske zaštite na području Kantona.

#### Član 2.

##### (Pojmovi)

(1) Pojmovi: dijete branioca bez obaju roditelja, dijete poginulog branioca, dijete umrlog ratnog vojnog invalida, dijete ratnog vojnog invalida, dijete mirmodopskog vojnog invalida, dijete nosioca ratnog priznanja – priznanja i dijete demobilisanog branioca koriste se u skladu s Zakonom o

pravima branilaca i članova njihovih porodica („Službene novine Federacije Bosne i Hercegovine“, broj: 33/04, 56/05 – ispravka teksta, 70/07, 9/10, 90/17 i 29/22), Zakonu o posebnim pravima dobitnika ratnih priznanja i priznanja i članova njihovih porodica („Službene novine Federacije Bosne i Hercegovine“, broj: 70/05, 61/06, 9/10, 90/17 i 29/22), Zakonu o pravima demobilisanih branilaca i članova njihovih porodica („Službene novine Federacije Bosne i Hercegovine“, broj: 54/19 i 29/22) i Zakonu o dopunskim pravima branilaca („Službene novine Srednjobosanskog kantona“, broj: 7/16 – prečišćeni tekst).

(2) Dijete iz stava (1) ovog člana je dijete rođeno u braku ili izvan braka te posvojenik i pastarak, do navršene 25. godine života.

#### Član 3.

##### (Raspisivanje konkursa)

(1) Konkurs za dodjelu stipendija raspisuje se početkom kalendarske godine, nakon objave Budžeta Srednjobosanskog kantona u „Službenim novinama Srednjobosanskog kantona“.

(2) Konkurs za dodjelu stipendija ostaje otvoren 30 dana od dana objave na internetskoj stranici Vlade Srednjobosanskog kantona (u daljnjem tekstu: Vlada Kantona).

#### Član 4.

##### (Sadržaj konkursa)

Konkursom za dodjelu stipendija propisuje se:

- ko ima pravo prijave na konkurs;
- prijave koje neće biti uzete u razmatranje;
- dokazi koji se prilažu uz prijavu na konkurs;
- rok za prijavu na konkurs i organ kojem se prijava podnosi.

#### Član 5.

##### (Pravo prijave na konkurs)

(1) Pravo prijave na konkurs za stipendiju ima student koji je:

- dijete branilaca bez obaju roditelja;
- dijete poginulog branioca;
- dijete umrlog ratnog vojnog invalida;
- dijete ratnog vojnog invalida;
- dijete mirnodopskog vojnog invalida;
- dijete nosioca ratnog priznanja – odlikovanja;
- dijete demobilisanog branioca.

(2) Pravo prijave na konkurs ima lice iz stava (1) ovog člana koja ima status redovnog studenta na integriranom studiju II., III., IV., V. ili VI. godine, status redovnog studenta prvog ciklusa studija II., III. odnosno IV. godine studija ili status redovnog studenta I. odnosno II. godine drugog ciklusa studija.

#### Član 6.

##### (Prijave koje se ne razmatraju)

Neće biti uzete u razmatranje prijave:

- studenta prve godine studija;
- studenta koji je upisao treći ciklus studija;
- studenta smještenog u studentski dom;
- vanrednog studenta;
- studenta apsolventa;

f) studenta koji je u tekućoj studijskoj godini na istom ili drugom fakultetu ponovno upisao istu godinu studija;

g) studenta koji prima stipendiju drugog davaoca;

h) studenta čiji prihod po članu domaćinstva prelazi iznos od 50 % prosječne netoplaće u Federaciji Bosne i Hercegovine iz prethodne godine, prema podacima Federalnog zavoda za statistiku;

i) studenta koji s danom objave konkursa navršava 25. godinu života;

j) studenta koji je zasnovao bračnu zajednicu;

k) studenta koji nema prebivalište na području Kantona.

#### Član 7.

##### (Eliminacija iz postupka dodjele stipendija)

Ako se u postupku dodjele stipendija utvrdi da je student dao netočne podatke ili dokumente, eliminirat će ga se iz daljnjeg postupka dodjele stipendija.

#### Član 8.

##### (Kriteriji bodovanja)

Lista studenata za dodjelu stipendije utvrđuje se na osnovu ostvarenog broja bodova prema sljedećim kriterijima:

- ekonomska situacija – prihodi;
- ratno odlikovanja – priznanje;
- svojstvo korisnika;
- godina studija.

#### Član 9.

##### (Prihod)

(1) Stipendiju ne može ostvariti student čiji prihod po članu domaćinstva prelazi iznos od 50 % prosječne netoplaće u Federaciji Bosne i Hercegovine iz prethodne godine, prema podacima Federalnog zavoda za statistiku.

(2) Prihod, u smislu ovog Pravilnika, čini prihod koji članovi domaćinstva ostvare na osnovu:

- plaće;
- starosne, invalidske, porodične i inostrane mirovine;
- branilačko-invalidske zaštite (lične i porodične invalidnine, mjesečnog novčanog dodatka za nosioca ratnog odlikovanja i novčane egzistencijalne naknade).

(3) Roditelji studenta smatraju se članovima zajedničkog domaćinstva bez obzira na to što u izjavi o članovima zajedničkog domaćinstva nisu navedeni, te je student dužan dostaviti dokaze o njihovim prihodima.

#### Član 10.

##### (Bodovi na osnovu ekonomske situacije – prihoda)

Na osnovu ekonomske situacije i ostvarenih prihoda po članu porodičnog domaćinstva, utvrđuje se broj bodova kako slijedi:

- |                                    |            |
|------------------------------------|------------|
| a) do 10 % prosječne plaće         | 25 bodova; |
| b) od 10 % do 20 % prosječne plaće | 20 bodova; |
| c) od 20 % do 30 % prosječne plaće | 15 bodova; |
| d) od 30 % do 40 % prosječne plaće | 10 bodova; |
| e) od 40 % do 50 % prosječne plaće | 5 bodova.  |

#### Član 11.

##### (Bodovi na osnovu ratnog priznanja – odlikovanja)

(1) Na osnovu ratnog priznanja – odlikovanja, dodjeljuju

se 2 boda.

(2) Ratnim priznanjem – odlikovanjem smatra se ratno priznanje – odlikovanje koje je navedeno u članu 6. kantonalnog Zakona o dopunskim pravima branilaca.

#### Član 12.

##### (Bodovi na osnovu svojstva korisnika)

Na osnovu svojstva korisnika prava, dodjeljuje se broj bodova kako slijedi:

- |  |           |
|--|-----------|
| a) djetetu umrlog ratnog vojnog invalida | 6 bodova; |
| b) djetetu ratnog vojnog invalida        | 4 boda;   |
| c) djetetu mirnodopskog vojnog invalida  | 4 boda;   |
| d) djetetu demobilisanog branioca        | 2 boda.   |

#### Član 13.

##### (Bodovi na osnovu godine studija)

(1) Na osnovu redovnog studiranja na integriranom studiju, podnosiocu prijave (studentu) za dodjelu stipendije dodjeljuje se broj bodova kako slijedi:

- |                        |           |
|------------------------|-----------|
| a) II. godine studija  | 3 boda;   |
| b) III. godine studija | 4 boda;   |
| c) IV. godine studija  | 5 bodova; |
| d) V. godine studija   | 6 bodova; |
| e) VI. godine studija  | 7 bodova. |

(2) Na osnovu redovnog studiranja po programu studija 4 + 1, podnosiocu prijave za dodjelu stipendije dodjeljuje se broj bodova kako slijedi:

- |                        |           |
|------------------------|-----------|
| a) za prvi ciklus:     |           |
| 1) II. godine studija  | 3 boda,   |
| 2) III. godine studija | 4 boda,   |
| 3) IV. godine studija  | 5 bodova; |

- |                      |           |
|----------------------|-----------|
| b) za drugi ciklus:  |           |
| 1) I. godine studija | 6 bodova. |

(3) Na osnovu redovnog studiranja po programu studija 3 + 2, podnosiocu prijave za dodjelu stipendije dodjeljuje se broj bodova kako slijedi:

- |                        |         |
|------------------------|---------|
| a) za prvi ciklus:     |         |
| 1) II. godine studija  | 3 boda, |
| 2) III. godine studija | 4 boda; |

- |                       |           |
|-----------------------|-----------|
| b) za drugi ciklus:   |           |
| 1) I. godine studija  | 5 bodova, |
| 2) II. godine studija | 6 bodova. |

#### Član 14.

##### (Prednost pri dodjeli stipendije)

(1) Ako dva studenta ili više studenata imaju jednak broj bodova za dodjelu stipendija, prednost pri izboru ima onaj student kod kojeg je utvrđen manji prihod po članu porodičnog domaćinstva.

(2) Ako dva studenta ili više studenata imaju jednak broj bodova i jednak prihod po članu porodičnog domaćinstva, prednost pri izboru za dodjelu stipendija ima onaj student koji ima veći broj bodova na osnovu godine redovnog studija.

#### Član 15.

##### (Pravo na dodjelu stipendije bez bodovanja)

(1) Dijete branilaca bez obaju roditelja ima prvenstvo prilikom dodjele stipendije te navedeno pravo na dodjelu stipendije ostvaruje bez bodovanja.

(2) Dijete poginulog branioca ima prvenstvo prilikom dodjele stipendije te navedeno pravo na dodjelu stipendije ostvaruje bez bodovanja.

#### Član 16.

##### (Više studenata iz istog porodičnog domaćinstva)

Stipendija može biti dodijeljena samo jednom studentu iz istog porodičnog domaćinstva.

#### Član 17.

##### (Dokumentacija koja se dostavlja uz prijavu na konkurs)

(1) Podnosilac prijave za dodjelu stipendije (student) koji ne spada u kategorije utvrđene članom 15. ovog Pravilnika, dostavlja sljedeću dokumentaciju:

- popunjen i potpisan prijavni obrazac;
- potvrdu/uvjerenje o prebivalištu (koja nije starija od 60 dana, original);
- izvod iz matične knjige rođenih (original ili ovjerenu kopiju);
- potvrdu o redovnom studiju iz koje je vidljivo da je student prvi put upisao navedenu godinu studija, s navedenim programom studija (integrirani, 3 + 2, 4 + 1), (koja nije starija od 60 dana, original ili ovjerenu kopiju);
- izjavu da ne prima stipendiju drugog davaoca, ovjerenu u općini (koja nije starija od 60 dana, original ili ovjerenu kopiju);
- izjavu o zajedničkom domaćinstvu (kućnu listu), (koja nije starija od 60 dana, original ili ovjerenu kopiju);
- potvrdu banke o otvorenom tekućem računu, s brojem tekućeg računa (kopiju);
- izvod iz matične knjige vjenčanih, roditelja (koji nije stariji od 60 dana, original ili ovjerenu kopiju).

(2) Osim dokumentacije propisane stavom (1) ovog člana podnosilac prijave (student) dužan je priložiti dokumentaciju i za ostale članove domaćinstva:

a) za roditelja branioca (ovisno o statusu branioca koji roditelj ima), a na osnovu kojeg ostvaruje pravo prijave na konkurs za dodjelu stipendije, prilaže:

1) potvrdu/uvjerenje nadležne općinske službe za branioce o priznatom statusu porodice umrlog ratnog vojnog invalida, s visinom stalnih mjesečnih primanja, odnosno iznosom mjesečne porodične invalidnine, ili

2) potvrdu/uvjerenje nadležne općinske službe za branioce o priznatom statusu ratnog vojnog invalida, s visinom stalnih mjesečnih primanja odnosno iznosom mjesečne lične invalidnine, ili

3) potvrdu/uvjerenje nadležne općinske službe za branioce o priznatom statusu mirnodopskog vojnog invalida, s visinom stalnih mjesečnih primanja odnosno iznosom mjesečne lične invalidnine, ili

4) potvrdu/uvjerenje nadležne općinske službe za branioce o priznatom statusu dobitnika ratnog priznanja – odlikovanja, s visinom stalnih mjesečnih primanja, ili

5) potvrdu/uvjerenje nadležne općinske službe za branioce o priznatom statusu korisnika novčane egzistencijalne naknade, s visinom stalnih mjesečnih primanja, ili

6) potvrdu/uvjerenje nadležne Grupe za pitanje evidencija iz oblasti vojne obaveze, o pripadnosti Oružanim snagama

(koja nije starija od 60 dana, original ili ovjerenu kopiju);

b) za roditelja koji ne ostvaruje mjesečni novčani dodatak na osnovu ratnog priznanja – odlikovanja, prilaže:

1) ovjerenu kopiju ratnog priznanja – odlikovanja (koja nije starija od 60 dana);

c) za svakog brata ili sestru koji je predškolskog uzrasta, prilaže:

1) izvod iz matične knjige rođenih (original ili ovjerenu kopiju);

d) za svakog brata ili sestru koji je učenik odnosno redovan student, prilaže:

1) potvrdu/uvjerenje o upisu u tekuću školsku odnosno akademsku godinu (koja nije starija od 60 dana, original ili ovjerenu kopiju);

e) za svakog nezaposlenog člana domaćinstva, prilaže:

1) za člana domaćinstva koji je na evidenciji nezaposlenih lica, a stariji je od 15 godina:

- potvrdu/uvjerenje Službe za zapošljavanje Srednjobosanskog kantona da se nalazi na evidenciji nezaposlenih lica (koja nije starija od 60 dana, original ili ovjerenu kopiju);

2) za člana domaćinstva koji je nezaposlen, a kao nezaposleno lice nije prijavljeno u Službi za zapošljavanje Srednjobosanskog kantona:

- potvrdu/uvjerenje Federalnog zavoda za penzijsko i invalidsko osiguranje da se član domaćinstva ne nalazi u matičnoj evidenciji aktivnih osiguranika i da ne ostvaruje pravo na penziju ili potvrdu/uvjerenje nadležne Porezne uprave Federacije Bosne i Hercegovine da član domaćinstva u posljednja tri mjeseca nije ostvario prihode, odnosno dohodak na osnovu radnog odnosa (koja nije starija od 60 dana, original ili ovjerenu kopiju);

f) za svakog zaposlenog člana domaćinstva, prilaže:

1) potvrdu/uvjerenje o visini netoplaće za bilo koji mjesec u posljednja tri mjeseca (original ili ovjerenu kopiju);

g) za svakog člana domaćinstva koji ostvaruje pravo na penziju, prilaže:

1) ček Federalnog zavoda za penzijsko i invalidsko osiguranje o visini penzije (porodične penzije, starosne penzije, invalidske penzije), (koja nije starija od 60 dana, original ili ovjerenu kopiju);

h) za svakog člana domaćinstva koji ostvaruje inostranu penziju, prilaže:

1) dokaz o visini inostrane penzije (koji nije stariji od 60 dana, original ili ovjerenu kopiju).

(3) Za budžetske korisnike bilo kog nivoa vlasti u Bosni i Hercegovini potvrdu/uvjerenje o visini plaće izdaje organ uprave nadležan za finansije.

#### Član 18.

##### **(Dokumentacija koju dostavlja dijete branioca koje ima pravo na dodjelu stipendije bez bodovanja)**

(1) Podnosilac prijave za dodjelu stipendije (student) koji je dijete poginulog branioca, dostavlja sljedeću dokumentaciju:

a) popunjen i potpisan prijavni obrazac;

b) potvrdu/uvjerenje o prebivalištu (koja nije starija od 60 dana, original);

c) izvod iz matične knjige rođenih (original ili ovjerenu kopiju);

d) potvrdu/uvjerenje o redovnom studiju, iz koje je vidljivo da je student prvi put upisao navedenu godinu studija, s navedenim programom studija (integrirani, 3 + 2, 4 + 1), (koja nije starija od 60 dana, original ili ovjerenu kopiju);

e) izjavu da ne prima stipendiju drugog davaoca, ovjerenu u općini (koja nije starija od 60 dana, original ili ovjerenu kopiju);

f) potvrdu banke o otvorenom tekućem računu, s brojem tekućeg računa (kopiju);

g) potvrdu/uvjerenje nadležne općinske službe za braniococe o priznatom statusu porodice poginulog branioca.

(2) Podnosilac prijave za dodjelu stipendije (student) koji je dijete branioca bez obaju roditelja, dostavlja sljedeću dokumentaciju:

a) popunjen i potpisan prijavni obrazac;

b) potvrdu/uvjerenje o prebivalištu (koja nije starija od 60 dana, original);

c) izvod iz matične knjige rođenih (original ili ovjerenu kopiju);

d) potvrdu/uvjerenje o redovnom studiju, iz koje je vidljivo da je prvi put upisao navedenu godinu studija, s navedenim programom studija (integrirani, 3 + 2, 4 + 1), (koja nije starija od 60 dana, original ili ovjerenu kopiju);

e) izjavu da ne prima stipendiju drugog davaoca, ovjerenu u općini (koja nije starija od 60 dana, original ili ovjerenu kopiju);

f) potvrdu banke o otvorenom tekućem računu, s brojem tekućeg računa (kopiju);

g) izvod iz matične knjige umrlih, za roditelje (koji nije stariji od 60 dana, original ili ovjerenu kopiju);

h) potvrdu/uvjerenje nadležne Grupe za pitanje evidencija iz oblasti vojne obaveze, o pripadnosti Oružanim snagama, za jednog od roditelja (koja nije starija od 60 dana, original ili ovjerenu kopiju).

#### Član 19.

##### **(Prijava na konkurs)**

(1) Prijava na konkurs, s popunjenim i potpisanim prijavnim obrascem i potrebnom dokumentacijom, podnosi se Kantonalnoj upravi za braniococe, poštom, u zatvorenoj kovrti.

(2) Zaprimljena dokumentacija iz stava (1) ovog člana namijenjena je za potrebe Kantonalne uprave za braniococe i ne vraća se podnosiocu prijave za dodjelu stipendije.

(3) Obrazac 1 – prijava na konkurs za dodjelu stipendije sastavni je dio ovog Pravilnika.

#### Član 20.

##### **(Komisija za dodjelu stipendija)**

Direktor Kantonalne uprave za braniococe osniva komisiju za dodjelu stipendija.

#### Član 21.

##### **(Nadležnost Komisije)**

Zadaća je komisije za dodjelu stipendija:

a) otvoriti zaprimljene prijave;

b) razmotriti prijave i priloženu dokumentaciju;

c) sastaviti listu studenata za dodjelu stipendija u skladu s propisanim kriterijima;

d) sastaviti listu nepravodobnih, nepotpunih i odbijenih

prijava za dodjelu stipendije;  
e) sastaviti zapisnik o svome radu.

Član 22.  
**(Objava liste)**

Lista studenata za dodjelu stipendija i lista nepravodobnih, nepotpunih i odbijenih prijava za dodjelu stipendije objavljuju se na internetskoj stranici Vlade Kantona.

Član 23.  
**(Postupak u povodu prigovora)**

(1) Student ima pravo prigovora na listu studenata za dodjelu stipendija u roku od osam dana od dana objave liste na internetskoj stranici Vlade Kantona.

(2) Student ima pravo prigovora na listu nepravodobnih, nepotpunih i odbijenih prijava u roku od osam dana od dana objave liste na internetskoj stranici Vlade Kantona.

(3) Prigovor na listu iz stavova (1) i (2) ovog člana podnosi se poštom ili neposredno Kantonalnoj upravi za braniocce.

(4) Prigovor na listu iz stavova (1) i (2) ovog člana razmatra i o tom odlučuje direktor Kantonalne uprave za braniocce.

Član 24.  
**(Utvrđivanje konačne liste studenata za dodjelu stipendija)**

(1) U slučaju da se uvaži prigovor studenta, direktor Kantonalne uprave za braniocce će prigovor studenta, s predmetom, dostaviti komisiji za dodjelu stipendija koje će sastaviti prijedlog konačne liste studenata za dodjelu stipendija.

(2) Konačnu listu studenata za dodjelu stipendija donosi direktor Kantonalne uprave za braniocce.

Član 25.  
**(Broj dodijeljenih stipendija)**

Broj stipendija koje će se dodijeliti za jednu akademsku godinu određuje se zavisno o iznosu odobrenih raspoloživih budžetskih sredstava za tu namjenu.

Član 26.  
**(Iznos stipendije)**

Stipendija se isplaćuje za 10 mjeseci i iznosi 200,00 KM mjesečno, odnosno 2.000,00 KM godišnje.

Član 27.  
**(Upotreba ličnih podataka)**

U postupku provođenja konkursa za dodjelu stipendija kantonalni organ uprave nadležan za braniocce, kao kontrolor u smislu odredbi Zakona o zaštiti ličnih podataka („Službeni glasnik Bosne i Hercegovine“, broj: 49/06, 76/11 i 89/11), obrađuje lične podatke neophodne za utvrđivanje identiteta podnosioca zahtjeva za dodjelu stipendija, uključujući jedinstveni matični broj građana.

Član 28.  
**(Troškovi postupka)**

(1) Troškove postupka u vezi s provođenjem konkursa za dodjelu stipendija snosi kantonalni organ uprave nadležan za braniocce.

(2) U postupku provođenja konkursa za dodjelu stipendija

ne plaća se taksa.

(3) Na novčana primanja ostvarena na osnovu stipendije ne plaćaju se porezi i doprinosi.

Član 29.  
**(Usklađivanje visine stipendije)**

(1) Iznos stipendije iz člana 26. ovog Pravilnika usklađuje se s rastom prosječne netoplaće isplaćene u Federaciji Bosne i Hercegovine u prethodnoj godini.

(2) Vlada Kantona usklađuje iznos stipendije s rastom prosječne netoplaće isplaćene u Federaciji Bosne i Hercegovine u prethodnoj godini.

Član 30.  
**(Ravnopravnost spolova)**

Sve imenice koje se odnose na branioca ili dijete branioca upotrijebljene u ovom Pravilniku samo u muškom ili ženskom rodu, odnose se na oba spola.

Član 31.  
**(Raspoređivanje novčanih sredstava)**

Novčana sredstva raspoređuju se odlukom Kantonalne uprave za braniocce.

Član 32.  
**(Isplata stipendija)**

Stipendija se isplaćuje na tekući račun podnosioca prijave (studenta).

Član 33.  
**(Prestanak primjene)**

Ovim Pravilnikom prestaje primjena Pravilnika o ostvarivanju prava na stipendiju („Službene novine Srednjobosanskog kantona“, broj 4/17).


Član 34.  
**(Stupanje na snagu)**

Ovaj Pravilnik stupa na snagu osmog dana od dana objave u „Službenim novinama Srednjobosanskog kantona“.

Broj: 11-02-8293/23  
15. novembra 2023.  
Travnik

DIREKTOR  
KANTONALNE UPRAVE  
Esad Crnica, s. r.

Na ovaj Pravilnik o ostvarivanju prava na stipendiju, broj 11-02-8293/23 od 15. novembra 2023. godine, saglasnost je dala Vlada Srednjobosanskog kantona na 25. sjednici, održanoj 7. decembra 2023. godine, Odlukom o davanju saglasnosti, broj 01-11.7-9224/23 od 7. decembra 2023. godine.



SREDNJOBOSANSKI KANTON / KANTON SREDIŠNJA BOSNA  
KANTONALNA UPRAVA ZA BRANIOCE / KANTONALNA UPRAVA ZA BRANITELJE

Adresa: Travnik, Aleja konzula b. b.; telefon: 030 518 605, 030 512 556;  
Faks: 030 503 195; e-adresa: [branioci@sbk-ksb.gov.ba](mailto:branioci@sbk-ksb.gov.ba)

PRIJAVA  
NA KONKURS ZA DODJELU STIPENDIJE

(Pisati čitko hemijskom olovkom.)

Prezime: _____	Ime: _____	Očevo (majčino) ime: _____
Adresa prebivališta: _____ _____	Telefonski broj: _____ _____	Jedinstven matični broj _____
Općina: _____		

Redovan sam student \_\_\_\_\_ godine \_\_\_\_\_ (integriranog / I. ciklusa / II. ciklusa) studija na \_\_\_\_\_ fakultetu u \_\_\_\_\_.

Dijete sam (zaokružiti):

- |                                  |   |
|----------------------------------|---|
| a) poginulog branioca            | e) mirnodopskog vojnog invalida             |
| b) branioca, bez obaju roditelja | f) dobitnika ratnog priznanja – odlikovanja |
| c) ratnog vojnog invalida        | g) demobilisanog branioca.                  |
| d) umrlog ratnog vojnog invalida |   |

Uz prijavu na konkurs za dodjelu stipendije prilažem (navesti dokumentaciju koja se dostavlja uz prijavu):

\_\_\_\_\_

\_\_\_\_\_

\_\_\_\_\_

\_\_\_\_\_

\_\_\_\_\_

Primjereno članu 5. Zakona o zaštiti ličnih podataka („Službeni glasnik Bosne i Hercegovine“, broj: 49/06, 76/11 i 89/11), kao nosilac gore navedenih podataka saglasan sam da Kantonalna uprava za branioce obrađuje te podatke u svrhu rješavanja o ovoj prijavi.

Datum: \_\_\_\_\_ godine

Potpis: \_\_\_\_\_